

**2020**

**AÑA DI  
ENSEÑANZA Y  
INNOVACION**

Dialuna 23 Maart 2020

# **ISLA(•)ONLINE**

Email: prensa@arubagovernment.aw Tel: 528-4900



**GOBIERNO DI ARUBA**

**ISLA ONLINE**  
**NOTICIA DI GOBIERNO**

**MAART  
2020**

**UN ISLA POSITIVO...**



MINISTER EVELYN WEVER-CROES  
PROME MINISTER DI ARUBA



## Gobierno di Aruba: **E CIUDADANO POR YENA UN CUESTIONARIO ONLINE PA INDICA MESORA SI E TA UN CASO POTENCIAL OF NO**

Directie Volksgezondheid, DVG ARUBA a introduci un cuestionario online riba nan plataforma di informacion tocante COVID-19. Esaki pa facilita nan trabou como tambe pa duna e ciudadano e facilidaddi yena e cuestionario pa su mes si e tin sintoma of duda si e por ta na risico di ta infecta cu e virus Corona. Por ta e caso cu e ciudadano a yama na e number 2800101 y no a logra haya comunicacion pa motibo cu e lineanan ta ocupa constantemente. E cuestionario online ta duna e ciudadano e oportunidad pa comunica mas lihe cu centro di diagnostico.

Por haya e cuestionario riba website [www.arubacovid19.org](http://www.arubacovid19.org). E meta di e cuestionario ta pa stop transmission di COVID-19 na Aruba. E cuestionario lo indica mesora si e persona ta un caso potencial of no. Na momento cu e persona ta un caso potencial, e lo wordo yama door di e centro di diagnostico y lo wordo indica e siguiente pasonan cu lo mester tuma luga.

### CUESTIONARIO



Cu e meta pa por stop e transmicion di COVID-19 na Aruba, tur persona cu tin sintoma por yena e cuestionario aki y haya sa mesora si e ta un caso potencial.

MINISTERIO DI TURISMO,  
SALUBRIDAD PUBLICO  
Y DEPORTE



# STOP di plam'e



## Lucha contra e transmision di Coronavirus

E ta cuminsa  
na Abo!



Evita di  
mishi bo  
wowo,  
nanishi y  
boca



Tapa  
bo tos  
y bo  
nister



Laba man  
frecuentemente  
cu awa y habon  
of uza hand  
sanitizer



Si bo ta malo,  
keda cas



**MINISTER XIOMARA MADURO**

MINISTER di Finansa, Asuntonan Economico y Cultura



# Museo Arkeologico Nacional di Aruba a organisa: SEMINARIO ISLEÑONAN NA TIMON CUAL TA CO-PRODUCCION DI SOLUCION SOSTENIBEL PA RETONAN CLIMATICO DEN ISLANAN CARIBE HULANDES



Recientemente a tuma luga na Museo Arkeologico Nacional di Aruba (MANA) un seminario tocante di co-produccion di solucion sostenibel pa retonan climatico den islanan Caribe Hulandes. E seminario aki tabata inicialmente titula Island(er)s Under Threat. Despues di a bishita e islanan di Caribe Hulandes, prome cu a yega Aruba, e inicadornan a realisa cu e titulo no tabata cuadra cu e capacidad di e poblacionan di Caribe pa anda cu retonan climatico y desasternan natural. E feedback haya riba e diferente islanan di Caribe Hulandes a haci cu e organisadornan a realisa cu e isleñonan semper a tuma rienda y a supera e obstaculonan cu nan tabata encontra y tabata tuma accionnan pa asina sigui bay dilanti. Pesey nan a cambia e titulo pa ' Isleñonan na Timon' loke ta cubri e forma con poblacionan di islanan di Caribe Hulandes ta tuma rienda y supera e retonan cu ta pasa den nan bida.

E seminario aki a ser coordina y organisa door di MANA riba peticion di Profesor Corinne Hofman, 'Professor of Caribbean Archaeology' na Universidad di Leiden y Dr. Francio Guadeloupe 'Senior Researcher & Lecturer' na Universidad di Amsterdam & Koninklijk Instituut voor Taal-, Land- en Volkenkunde. Profesor Corinne Hofman y Dr. Francio Guadeloupe a organisa e seminario na e otro islanan di Caribe Hulandes y siman pasa a lidera e seminario na Aruba.

Mecos cu na e otro islanan di Caribe Hulandes e seminario

tabata tin como meta pa haya informacion di GO's NGO's y publico en general tocante preocupacionan y ideanan relaciona cu adaptacion social door di cambio di clima, su efectonan pa cu nos isla y e forma con lo por atende cu e retonan aki. Sr. Pancho Geerman, director ad interim di MANA a dirigi algun palabra durante apertura di e seminario na nomber di Minister di Cultura. Ela subraya cu e region Caribense mester ta central den debatenan tocante e vulnerabilidad di clima, ya cu e islanan den Caribe ta confronta subida di nivel di lama, tormenta, erosjon na costa y degradacion desde cu e islanan a wordo habita 7.800 pa 4.000 año pasa. E efectonan menciona di cambio door di naturalesa tin un impacto riba e condicion di biba di e habitantenan di e islanan y tambe riba e preservacion di patrimonio cultural y natural.

E iniciativa di e academiconan Hulandes hunto cu organisacionnan y academiconan den region Caribe ta un ehempel di un berdadero colaboracion den Reino Hulandes. E prome propuesta di proyecto di dr. Hofmann y Dr. Guadalupe lo yuda nos isla hopi. Sr. Geerman a enfatiza cu e seminario aki tambe ta un oportunidad pa fortalece e colaboracion den Reino. Na nomber di Minister di Cultura, sr. Geerman a desea tur presente un encuentro fructifero y cu hunto e participantenan por contribui na solucionnan sostenibel pa anda cu cambio di clima.

Durante e seminario Corinne Hofman y Dr Francio a presenta nan puntonan di investigacion y alabes a ricibi comentario y a interactua cu participantenan pa asina por adapta y formula nan preguntanan di investigacion a base di locual ta ser considera di vital importancia pa nos Pais Aruba.

E seminario a ser bon atendi y e participantenan a provee hopi informacion y ideanan valioso cual a duna e presentadornan un bon bista di e preocupacion. E seminario tabata un exito y awor Professor Hofman y Dr Guadeloupe lo incorpora e informacion obteni di e participantenan den nan proposicion pa asina sigui pa e di dos rond di e proceso di seleccion di e Organisacion Hulandes di Sciencia (NWO) relaciona cu investigacion Caribense multidisciplinario

# COVID-19

# CORONAVIRUS

STOP DI  
PLAM'E



GOBIERNO DI ARUBA

Minister Xiomara Maduro a anuncia  
productonan cu lo wordo regula

## PRODUCTONAN TEMPORAL

**DESDE  
DIABIERTA  
20 MAART**

### DESINFECTANTE PA UZO PERSONAL



HANDSANITIZER

ALCOHOL 70%

GLACIAL

HABON

### DESINFECTANTE PA UZO DOMESTICO

PRODUCTONAN  
CU TA CONTENE  
CHLOOR

LYSOL

WIPES

BEBIDANA  
CU TA CONTENE ELEKTROLYTEN

PAPEL DI WC

EKIPO DI PROTECCION  
(MASKS, GLOVES)

BRUKI PA BABY



BABY WIPES



DRIED FRUIT



CORNFLAKES PLAIN



FROZEN FRUITS

FROZEN  
CHICKEN WHOLE LEGS Y CHICKEN WINGS



Minister di Finansa,  
Asuntonan Economico y Cultura

## LISTA DI PRIJS MAXIMO TEMPORAL

ENTRANTE  
20 DI MAART 2020

LO BAY REGULA EXTRA  
PRODUCTONAN DI NECESIDAD  
TEMPORALMENTE.

**TIN SUFICIENTE  
PRODUCTO**

HACI COMPRAS NORMAL





# AMPLIACION CANASTA BASICO

GOBIERNO  
TA AMPLIA  
CANASTA  
BASICO

DI 11 PA  
**22**  
CATEGORIA

**1200**  
PRODUCTO  
PRIJS TA WORDO  
CONTROLA

## ACTUAL

1. Cuminda pa baby
2. Hariña di maishi
3. Te
4. Koffie
5. Lechi di likido pa koffie
6. Lechi polvo
7. Aros
8. Azeta pa cushina
9. Lechi pa baby

1/2



# AMPLIACION CANASTA BASICO

GOBIERNO  
TA AMPLIA  
CANASTA  
BASICO

DI 11 PA  
**22**  
CATEGORIA

**1200**  
PRODUCTO  
PRIJS TA WORDO  
CONTROLA

## PROME FASE: (Lo drenta na vigor na februari 2020)

10. Broccoli, Frozen
11. Spinashi, Frozen
12. Mixed vegetables, Frozen
13. Bonchi cora, seco
14. Bonchi preto, seco
15. Bonchi lima, seco
16. Tunafish,  
den bleki, den awa chunk/flaked/grated
17. Sardin den bleki, den awa
18. Salmou den bleki, den awa

## FASE: (Lo wordo anuncia despues)

19. Pasta, spaghetti
20. Papa havermout
21. Hariña
22. Lechi likido duradero den tetrapak of boter

2/2



## MINISTER GLENBERT F. CROES

MINISTER di Asunto Social y Labor



Ministerie van Sociale Zaken en Arbeid

GOBIERNO DI ARUBA

L.G.Smith Blvd. 76  
Oranjestad, Aruba  
Tel. (297) 528 4930  
Fax. (297) 583 8998

### ANUNCIO GENERAL DI MANEHO

PAKETE di Flexibilisacion presenta pa Minister di Asunto Social y Labor durante conferencia di prensa diahuebs 19 di maart 2020 pa e temporada di COVID-19.

Tumando na cuenta e impacto cu e confirmacion di e casonan di COVID-19 na Aruba tin riba economia di nos pais, a dicidi di introduci un pakete di flexibilisacion pa un period di 3 luna, cuminsando entrante 1 di april 2020, pa asina brinda tanto e dunador di trabou como e trahador, e sosten necesario pa surpasa e periodo critico aki.

Punto di salida di Gobierno di Aruba ta keda cu e consecuencia di e crisis aki ta bai wordo carga door di un y tur, sin excepcion, y ta un responsabilidad colectivo, cu otro palabra, TUR partido, sin excepcion, mester duna su maximo pa enfrenta e crisis aki.

Gobierno di Aruba, entre otro, ta duna posibilidad na e dunador di trabou y trahado pa aplica pa un compensacion for di e Fondo di Asistencia Social di Emergencia (FASE) pa cubri entrada di trahadornan cu como consecuencia di reduccion di oranan di trabou ta bai ricibi menos di Awg. 950,00 pa luna.

Pa un dunador di trabou por haci uso di e diferente medidianan cu Gobierno di Aruba a introduci recientemente, incluyendo e posibilidad di aplica pa e Fondo di Asistencia Social di Emergencia (FASE) pa su trahadornan, mester tene na cuenta cu e dunador di trabou primeramente tin un responsabilidad social di duna maximo siguridad na su trahadornan.

**Continuacion Pagina 8**

Pa por aplica pa FASE como tambe haci uso di e pakete di medida Gobierno di Aruba, pa medio di e diferente instancianan, lo bin cu e siguiente condicionnan pa e dunador di trabou:

- A. E dunador di trabou ta paga e empleado su salario pa luna di maart 2020;
- B. E dunador di trabou mester presenta un plan di accion concreto con e ta pensa di atende cu e consecuencia financiero cu a wordo causa door di COVID-19, tumando na cuenta e interes di su empleadonan;
- C. E dunador di trabou, segun su forza financiero, mester demostra di por aplica flexibilisacion di orario di trabou parcial prome cu aplica reduccion di ora completo;
- D. Den caso cu no cumpli cu e puntonan antes menciona no lo bin na remarca pa e compensacion a base di FASE y e trahador lo mantene e derecho di reclama pago di su salario for di e dunador di trabou.

Tumando na cuenta cu a cumpli cu tur e condicionnan stipula ariba, e pakete di flexibilisacion ta consisti di lo siguiente.

**Ley Laboral:**

- Flexibilidad di oranan di trabou a base di necesidad individual demostra door di e empresa;
- E trahador ta mantene e derecho pa ricibi pago pa e ora cu e traha – esaki di mutuo acuerdo entre e dunador di trabou y e trahador;
- Ta urgi e dunadornan di trabou pa mantene contractonan laboral vigente;
- Ta recomenda pa duna trahadornan vakantie cu pago prome cu aplica pa flexibilidad di orario di trabou, esaki manteniendo un ‘buffer’ di 5 dia di vakantie pa e trahador;
- Sin cumpli cu tur e condicionnan ariba menciona, y si no por demostra e necesidad (financiero) pa termina contratonan laboral, peticonnan pa ontslagvergunningen cu ta wordo entrega na Directie Arbeid en Onderzoek no lo wordo honra;
- Temporada di e pakete: di 1 april 2020 te cu 30 di juni 2020.

Nota: Fecha pa entrega ultimo aplicacion (pa bin na remarca pa e asistencia social den luna di juni 2020 ainda) lo ta 1 juni 2020.

Oranjestad, 23 di maart 2020

Atentamente,

Minister di Asunto Social y Labor  
Glenbert F. Croes



## Gobierno di Aruba:

# INCIDENTE ENTRE PRENSA Y MINISTER PRESIDENTE DILANTI DI BESTUURSKANTOOR

Despues di conferencia di prensa di Minister Presidente diasabra anochi, algun miembro di prensa a causa un incidente cu Minister Presidente dilanti di Bestuurskantoor.

Mientras Minister Presidente tabata duna conferencia di prensa y contesta pregunta, miembrongan di prensa a algomera y tabata haci desordo stroba e conferencia di prensa.

Nan kier a entrega Minister Presidente un carta den cual nan ta informa Gobierno cu nan lo no participa na ningun conferencia di prensa mas di Gobierno.

Minister Presidente a sali pa acepta e carta y Sharina Henriquez di Caribisch Netwerk a informa Minister Presidente cu prensa lo sali riba caya toch durante e toque de queda.

Minister Presidente a expresa su desapunto den e miembrongan ey y a recorda prensa cu tin 8 caso caba confirma na Aruba y prensa mas cu tur hende sa cuanto dolor y sufrimento e virus aki a causa den exterior.

Despues Minister Presidente a bisa nan cu e ta cansa y lo no sigui papia e momento ey. A palabra cu lo reuni diadomingo.

Loque tabata mas lamentable ta cu momento cu Minister Presidente a bira su lomba, prensa a cuminsa grita y insulta Minister Presidente. Gobierno di Aruba ta lamenta e actitud aki di prensa y ta bolbe haci un apelacion na henter comunidad, tambe na prensa, pa coopera.

Aan: Evelyn Wever-Croes, Minister President van Aruba

Oranjestad, 21 Maart 2020

**Memo**

Leden van de pers zullen persconferenties van de regering niet meer bijwonen noch zendingen ervan herhalen. We zullen ook geen persberichten en persconferenties van de regering en (semi) gouvernementele instanties volgen en/of publiceren. We zullen ook geen vragen stellen. Dit zal zolang duren tot dat er een redelijke oplossing komt met de pers omtrent de avondklok.

De volgende media's en persleden gaan hiermee akkoord:

24ora.com

ArubaNative

Ante24.com

EArubiano

MasNoticia

NoticiaCla

BoGuia 88.9FM

Benjamin Romero

Caribische Netwerk (NTR)

Top FM/Solo di Pueblo

Luis Villegas

Raymond Hoek

Cc: Crisis Management Team  
Kabinet van de Gouverneur  
Staten van Aruba  
VNOA  
Ministerie van Binnenlandse zaken en Koninkrijksrelaties



## Procedura Fondo Asistencia Social di Emergencia (FASE)

[www.fasehelpdesk.com](http://www.fasehelpdesk.com)

Pa evita retiro masal den periodo di crisis ocasiona pa e virus di corona (COVID-19), Gobierno di Aruba a introduci FASE. Esaki ta un ayudo financiero pa esun cu lo wordo afecta durante di e crisis aki. Comunidad di Aruba completo (comercio y trahado) mester coopera. Ta pa e motibo aki cu ta introduci un pakete di alivio pa evita pa empleadonan keda sin trabou/entrada. Durante e periodo aki Gobierno lo permiti un empresa baha e orario di trabou te na “0” uren of e empleado ta haya pago pa e oranan cu a traha. Esaki kiermen cu aunke e empleado no ta perde su trabou, ta posibel cu e por bay atras den su salario of perde entrada.

**Fondo Asistencia Social di Emergencia (FASE), ta aplicabel solamente pa esunnan cu perde trabou of perde entrada pa motibo di e coronavirus.**

Logicamente tin condicion – y rekitonan cu mester cumpli cu ne pa bin na remarca pa FASE.

### Condicion:

- Bo a wordo manda cas sin pago
- Bo entrada a baha te bou di Afl. 950,- mensual
- Bo a wordo retira for di trabou

### Rekitonan:

- Carta di notificacion di bo dunado di trabou
- Ultimo salarisslip, of ultimo 2x salarisslip si ta cobra pa quincena
- ID/Paspoort valido
- Permiso valido (si ta aplicabel)
- Cuenta bancario
- Persoonsnummer

### Proceso di aplicacion:

- Via website [www.fasehelpdesk.com](http://www.fasehelpdesk.com) y sigui instruccion
- Via telefon 280-0707

# ENTRANTE DIALUNA TA CONTINUA CU SERVICIO DI CAHA NA CAMACURI SOLAMENTE

## Ta stop cu servicio na tur MFA te proximo aviso

Entrante dialuna, dia 23 di maart 2020, Departamento di Impuesto ta stop di brinda servicio na tur MFA. Lo continua cu servicio di caha unicamente na su oficina principal na Camacuri. Esaki ta conta tambe pa esnan cu mester haci pago di permiso pa DIMAS. Departamento di Impuesto ta sigui opera segun e orario di custumber, teniendo na cuenta si cu e cantidad limita di bishitante cu ta wordo permiti pa drenta paden.

Pa loke ta e servicio na e balie di recepcion y otro servicio na cliente na su oficina na Camacuri, esakinan ta keda cera te proximo aviso y lo bay den un forma digital.

Departamento di Impuesto ta pidi su contribuyentenan pa tuma nota di e anuncio aki pa asina evita cualquier inconveniencia.



### Liña di telefon pa 60+

280-0505

GRATIS



Mainta: 8or - 12or Atardi/anochi: 4or - 8or

BAN COMBERSA Y NO PREOCUPA

**DOMESTICO**

**10 %**

**FUNDACION  
MISA  
SCOL**

**9 %**

**COMERCIO**

**7 %**



# **REBAHO DI CORIENTE**

## **JANUARI 2020**


**LOKE BO TA PAGA NA CORIENTE,  
TA DEN BO MAN**

**DESCONECTA TUR PLUG CU NO TA  
DEN UZO FOR DI STOPCONTACT**




**UTILITIES ARUBA<sup>NV</sup>**

# BO TABATA SAA?



**COVID-19  
CORONAVIRUS**



UZO DI E MASCARADA PA TAPA BOCA TA SOLAMENTE PA ESNAN CU TA AFECTA CU CORONAVIRUS PA ASINA EVITA DI CONTAGIA MAS PERSONA CU E VIRUS. PERSONANAN CU TA CUIDA UN PERSONA MALO TAMBE TA HACI UZO DI ESAKI PA EVITA DI WORDO CONTAGIA.

UZANDO UN MASCARADA MIENTRAS BO TA BON DI SALUD PASO BO TA KERE ESAKI TA PREVENI DI CONTRAE E VIRUS NO TA BAI YUDA. BO POR CONTRAE CORONA VIRUS VIA DI BO WOWONAN TAMBE

**#KNOWYOURFACTS**



GOBIERNO DI ARUBA






MINISTERIO DI TURISMO,  
SALUD PÚBLICO  
Y DEPORTE

# PROTOCOL PA DRENTE

# ~~Cas~~



- 1 Evita di mishi cosnan paden prome cu laba man. 
- 2 Kita bo zapato y laga nan den entrada. 
- 3 Desinfecta pata di bo mascota si e tabata pafo. 
- 4 Kita bo paña y pon'e pa laba 
- 5 Laga tur cos den un caha den entrada. 
- 6 Baña si bo por, si no, laba bon tur parti exponi. 
- 7 Haci bril y celular limpi cu alcohol. 
- 8 Haci bon limpi loke bo a trece di pafo. 
- 9 Kita hands-shoen, tira afo y laba bo man bon. 
- 10 No por haci desinfeccion total. E tips aki ta pa preveni. 

E prevencion ta cuminsa na ABO!



GOBIERNO DI ARUBA

*an  
Feliz Siman*

TUR CAMINDA CU TA DIRIGI NA EXITO  
MESTER PASA DEN TRABOU DURO  
CU DEDICACION Y DETERMINACION  
NOS TA LOGRA E EXITO  
CU NOS TA PROPONE